

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

APR 15 1952

T 5307 / 1324 01

5307 / 1324

Made in Japan

唐陸宣公翰苑集注序

余觀唐宋中興名臣有王佐才而未竟竟用者陸宣公李忠定公二人而已嘗愛讀其集謂足壯膽識益神神出入輒以自隨今老矣無所復用於世又病廢學學束而不觀者已數歲今來新安得見歛侯張君菘圃注宣公翰苑集注徵引繁博考核精密於唐事尤尤顧念是集非經生家家

上之奏議無所用其體下之帖括無所資其助而好之讀之注之哉今之所好所讀所注者或詩

或古今試帖或賦彙諸題搆摭勦販用爲剽竊之具而
小夫俗儒人手一編珍爲鴻寶雖六經諸史未盡寓目
其他則又何說而君顧謂人之所不必
必注果好其文與抑不徒好其文與昔者蘇文忠公
好讀宣公文故其稱之曰智如子房而文則過辨如賈
誼而術不踈迄今考之文忠亦殊無愧斯語蓋其素所
蓄積然也然則文忠其宋之宣公乎而君則今之文忠
乎不然而何勤勤於是也嗟乎宣公當日使無延齡之
讒必不貶卽貶矣被召不卽死且復相其所成就當不

止是乃身旣放黜而唐亦終以不競以視文忠之以新
法謫忠定之以和議沮千古一轍其可悲也余家宣公
故里東郭外有石梁以公得名兒時過之長老爲余道
公生平心慕之用是愛讀其文旣通籍奉使嶺表泛海
抵瓊臺經文忠忠定二公貶所俯仰憑弔未嘗不歎古
今來用者不才才者不用如三公者正復何限徒傳其
區區之心於殘編斷簡中以供有心人成慕悅於易
代之後斯誠其遇之窮乎抑亦有世運焉不可得而強
也君今以盛年遭際

堯舜之世膺民社稱循良駸駸乎向用矣志宣公之志
學宣公之學而遇又過之不可謂非厚幸將來樹立宏
達以不同乎古人者繼古人後而是注其職志也余自
顧少壯碌碌坐廢撫卷追悼彌慙昔賢因爲之序以告
天下欲讀有用之書儲經濟以翊

休運者請自宣公翰苑集注始乾隆戊子季秋月秀水
舊史氏鄭虎文序

唐陸宣公翰苑集注序

生今之世而慕古之人觀乎古人則今人可知已蓋孟
子願學孔子賈誼投弔乎屈原諸葛孔明自比於管樂
以性之所近爲情之所鍾由今日之嚮往知將來之施
設也平定張君蓀圃以進士知新安之歙縣其平生讀
書窮極幽遠於古之碩德名賢嘉言美行無不跂而望
之以爲不可及而所心儀不置則尤在唐之陸相一人
當德宗之世奉天山南蒙塵至再賴武臣戮力於外而
陸公常在左右決可否於中降罪已之詔回將去之心

卒能收復舊京宗社無隕公之功爲多德宗貪猜不終其分而公終始一心進退無閒蓋其爲學本仁蹈義通古宜今其趨正其守堅居一室而遠見千里之外在今日而豫知後事之來無毫髮之差有著龜之應而其爲言愷切開明感心愜聽允爲人臣進言之法式君讀其文愈重其人論其世遂釋其義非以後之人爲有不知故爲是箋訓之煩而已當其時兩河用兵民窮財匱藩鎮之疆盧杞之姦裴延齡之詐妄朱泚李懷光之叛亂而公以一身屏障其閒其所爲納誨陳詞莫非堯舜三

代治世之蹟使後世讀君之注恍然如置身有唐之世親見陸公而與之上下其議論則注之存豈徒以見公蓋將教天下萬世之爲人臣莫不懷忠直以事其上也夫有陸公之文則其君雖不能盡用而其功已著於當世有君之注則後之人皆將論其世而陸公之學愈以昭揭於無窮自陸公以來至於今八百餘年矣而君獨愛慕之如此然則觀陸公可以知君矣桐城劉大櫟序

唐陸宣公翰苑集注自序

經史以載道傳注所以明道也易有十翼尚書有傳詩
有序禮記爲傳春秋有左氏公羊穀梁皆注也漢魏而
下以傳注名家者如孔安國毛萇鄭元何休王弼趙岐
杜預顏師古劉昭裴松之輩其最著者矣注所未盡遞
相詮釋則又有疏于是孔穎達邢昺孫奭之徒咸彬彬
與傳注並傳焉仲尼沒聖人之道衰諸子百家之說紛
然錯出文愈煩詞愈支而道亦愈離一二好古深思之
士掇拾遺編推測排闡聖賢之奧義微辭與夫大經大

法均理天下之至具瞭然表著如揭日月而行中天更
幾千萬世而不至幽晦而不彰注疏之功爲多唐陸宣
公文集權文公德輿所敘次制誥十卷奏草七卷中書
奏議七卷名翰苑集今傳本是已宋紹興二年岷縣主
簿諱華者進奏議注十五卷今獨其表存而注不傳亦
不載其姓當元祐淳熙之間大臣畱心治具引君當道
屢以奏議勸進講筵而其主亦用傾心嚮慕至以退朝
之後傾聽數千言不爲倦厭幾幾典謨訓誥比隆矣當
斯時德宗播遷山南再幸公閒關扈從隨事贊畫興元

詔下聞者無不感奮一切大禮大赦賑恤優復宣慰招
諭遣將命官倉卒填委咸盡事情中機會卒之鑿輿反
正國祚以安邇于德宗之所以失與其失而復得者一
代之興亡可考也及旣爲相迺益殫所學區大計決大
疑以體國之忠爲不刊之論洞察時變折衷古今雖當
時不能盡用迨其後皆可見諸施行而有裨于治道視
夫以空文自見者迥不眸矣佩自授書卽嗜公集十餘
年來不自分其不類爰據新舊唐書通典通鑑考其世
以詳其時事其故事古語閒引他書第釋事而不加義

倣李善注文選例也自漢唐諸儒專門著述沿至于今
詩賦詞章之學陰陽占候之書皆有註釋稱詳博矣然
其可傳于後而足與古人發明者蓋鮮然則余之爲是
其不能無費辭也與而又何敢自信哉山右張佩芳自
序

唐陸宣公翰苑集註釋

凡例

一書之事典可考而作者之旨意不可強明李善註
文選止引經史不釋述作意義東坡嘗稱之而詆
五臣註爲荒陋茲集據事徵典不妄加義遵李善
注文選例也

一凡引古事古語必載書名其有語義難明者并其
註疏採入

一奏草奏議皆因事獻替有關治具爰考年月事因

據新舊二史通鑑綱目詳註其下制誥昔人所謂駢體也然興元赦文膾炙人口其他改元大禮命官宣慰作於德宗播遷之日時勢固自不同茲亦援据時事俾論世者得以考焉

一地理職官歷代沿革不同茲以唐書爲宗旁採通典通考職官輿地括地諸書悉其源流唐以後不復贅

一公集權德輿所敘次制誥十卷奏草七卷奏議七卷宋元祐中蘇軾等校正進呈劄子止載奏議十

二卷陳后山又言權序今所存者翰苑集十卷勝子集十二卷名目卷數互異茲照權序編次首制誥次奏草次奏議錄序文卷首其諸儒議論亦并附入以備參考

一經史子集各有音釋註疏家尤詳茲畧採一二以資觀覽

一公文散見於他書如通鑑綱目唐鑑文獻通考註解畧備而通鑑綱目二書尤詳如胡三省之音註王幼學之集覽集中採用頗多其他則取議論與

本文相發明若止校論文詞概不敢收

一引用書籍必詳首尾其與本文不相關涉則稍加

刪節以從簡要

一集中有參以已見者則以謹按二字別之

一書有圈點鈎勒始自前明選刻時文陋習茲遵古

本體製不敢妄加

張佩芳謹識

唐陸宣公翰苑集敘

唐權德輿撰

嘗讀賈誼書觀其經制人文鋪陳帝業術亦至矣待之

宣室恨得後時遇亦深矣然竟不能達四聰而盡其善

排羣議而試厥謀道之難行亦已久矣東陽絳灌何代

無之嘻一薰一蕕善齊去聲不能同其器方鑿圓柄良工

無以措巧心所以理世少而亂日多大雅衰而正聲寢

漢道未融既失之於賈傅吾唐不幸復擯棄於陸公公

諱贄字敬輿吳郡蘇人溧陽令侃之子年十八登進士

第應博學宏辭科授鄭縣尉非其好也省母歸壽春刺

史張鎰有名於時一獲晤言大加賞識暨別鎰以泉貨
 數萬為贖曰願以此奉太夫人一日之膳公悉辭之領
 新茶一串而已是歲以書判拔萃調渭南簿本傳御史
 府以監察換之德宗皇帝春宮時知名召對翰林即日
 為學士由祠部員外轉考功郎中朱泚之亂從幸奉天
 時車駕播遷詔書旁午公灑翰即成不復起草初若不
 經思慮及成而奏無不曲盡事情中於機會倉卒填委
 同職者無不拱手歎伏不能復有所助嘗從容奏曰此
 時詔書陛下宜痛自引過以感人心昔禹湯以罪已勃

興楚昭以善言復國陛下誠能不恡改過以言謝天下
 俾臣草辭無諱庶幾羣盜革心上從之故行在詔書始
 下雖武人悍卒無不揮涕激發議者以德宗克平寇亂
 不惟神武之功爪牙宣力蓋亦資文德腹心之助焉及
 還京師李抱真來朝奏曰陛下在山南時山東士卒聞
 書詔之辭無不感泣思奮臣節臣知賊不足平也公自
 行在帶本職拜諫議大夫中書舍人精敏小心未嘗有
 過艱難扈從行在轍隨啟沃謀猷特所親信有時讌語
 不以公卿指名但呼陸九而已初幸梁洋棧道危狹從

官前後相失上夜次山館召公不至泣然號於禁旅曰
得陸贄者賞千金頃之公至太子親王皆賀初公既職
內署母韋氏尚在吳中上遣中使迎至京師道路置驛
文士榮之丁韋夫人憂去職持喪於洛遣人護溧陽之
柩附葬河南上遣中使監護其事四方賻遺數百萬公
一無所取素與蜀帥韋南康布衣友善韋令每月置遺
公奏而受之服闋復內職權知兵部侍郎覲見之日天
子爲之興改容敘弔優禮如此內外屬望旦夕俟其輔
政爲竇叅忌嫉故緩之真拜兵部侍郎知貢舉得人之

盛公議稱之貞元八年拜中書侍郎平章事公以少年
入侍內殿特蒙知遇不可與衆浮沉苟且自愛事有不
可必諍之上察物太精躬臨庶政失其大體動與公違
姦諛從而閒之屢至不悅親友或規之公曰吾上不負
天子下不負吾所學不恤其他公精於吏事斟酌剖決
不爽錙銖其經綸制度具在德宗實錄及竇叅納劉士
寧之賂爲李異所發得罪左遷橫議者以公與叅素不
協歸罷相之議於公戶部侍郎判度支裴延齡以姦回
得幸害時蠹政物議莫敢指言公獨以身當之屢言不

可翰林學士吳通元忌公先達每竊中傷陰結延齡互言公短宰相趙憬公之引拔升爲同列以公排邪守正心復異之羣邪沮謀直道不勝十年退公爲賓客罷政事明年夏旱芻糧不給軍校訴於上延齡奏曰此皆陸贄輩怨望鼓扇軍人也貶公忠州別駕上怒不可測賴陽城張萬福救之獲免蜀帥韋令抗表請以贄代已歲賂資糧公在南賓閉門却掃郡人稀識其面復避謗不著書惟考校醫方撰集驗方五十卷行於世江峽十稔永貞初與鄭餘慶陽城同徵還公已薨歿時年五十二

公之秉筆內署也推古揚今雄文藻思敷之爲文誥伸之爲典謨俾獯狡向風懦夫爭氣則有制誥集一十卷覽公之作則知公之爲文也潤色之餘論思獻納軍國利害巨細必陳則有奏草七卷覽公之奏則知公之爲臣也其在相位也推賢與能舉直措枉將幹璿衡而揭日月清氛沴而平泰階敷其道也與伊說爭衡考其文也與典謨接軫則有中書奏議七卷覽公之奏議則知公之事君也古人以士之遇也其要有四焉才位時命也仲尼有才而無位其道不行賈生有時而無命終於

一慟惟公才不謂不長位不謂不達逢時而不盡其道
非命歟裴氏之子焉能使公不遇哉說者又以房魏姚
宋逢時遇主克致清平陸君亦獲幸時君而不能與房
魏爭列蓋道未至也應之曰道雖在我宏之在人蜚蝗
竟天農穰不能善稼奔車覆轍邱軻亦廢規行若使四
君與公異時而相則一否一臧未可知也而致君不及
貞觀開元者蓋時不幸也豈公不幸哉以爲其道未至
不亦誣乎公之文集有詩文賦集表狀爲別集十五卷
其關於時政昭昭然與金石不朽者惟制誥奏議乎雖

已流行多謬編次今以類相從冠於編首兼畧書其官
氏景行以爲序引俾後之君子覽公制作效之爲文爲
臣事君之道不其偉歟

順宗實錄

贈故忠州別駕陸贄兵部尚書故道州刺史陽城左常
侍贄字敬輿吳郡人也年十八進士及第又以博學宏
詞授鄭縣尉書判拔萃授渭南尉遷監察御史未幾選
爲翰林學士遷祠部員外郎德宗幸奉天贄隨行在天
下搔擾遠近徵發書詔一日數十下皆出於贄贄操筆
持紙成於須臾不復起草同職皆拱手嗟嘆不能有所
助常啟德宗言方今書詔宜痛自引過罪已以感人心
昔成湯以罪已致興後代推以爲聖人楚王失國亡走

一言善而復其國至今稱爲賢者陛下誠能不恡改過以言謝天下臣雖愚陋爲詔詞無所忌諱庶能令天下叛逆者迴心喻旨德宗從之故行在制詔始下聞者雖武人悍卒無不揮涕感激議者咸以爲德宗剋平寇難旋復天位不惟神武成功爪牙宣力蓋以文德廣被腹心有助焉累遷考功郎中諫議大夫中書舍人兼翰林學士丁母憂免喪權知兵部侍郎復入翰林中外屬意旦夕俟其爲相竇參深忌之贊亦短參之所爲且言其黷貨於是與參不能平尋真拜兵部侍郎知禮部貢舉

於進士中得人爲多八年春遷中書侍郎平章事始令吏部每年集選人舊事吏部每年集人其後遂三年一置選選人猥至文書多不了尋勘真僞紛雜吏因得大爲姦巧選士一蹉跌或至十年不得官而官之闕者或累歲無人贊令吏部分內外官員爲三分計闕集人以爲常其弊十去七八天下稱之初竇參出李巽爲常州刺史且迫其行巽常銜之至參貶爲郴州別駕巽適遷湖南觀察德宗常與參言故相姜公輔罪參漏其語參敗公輔因上疏自陳其事非臣之過德宗詰之知參洩

其語怒未有所發會異奏汴州節度劉士寧遺參金帛若干士寧得汴州參處其議士寧常德之故致厚貺德宗以參得罪而以武將交結發怒竟致參於死而議者多言參死由贄焉裴延齡判度支天下皆嫉怨而獨幸於天子朝廷無敢言其短者贄獨身當之日陳其不可用延齡固欲去贄而代之又知贄之不與已多阻其奏請也謗毀百端翰林學士吳通元故與贄同職姦巧佻薄與贄不相能知贄與延齡相持有閒因盛言贄短宰相趙璟本贄所引同對嫉贄之權密以贄所戢彈延齡

事告延齡延齡益得以爲計由是天子益信延齡而不直贄竟罷贄相以爲太子賓客而黜張滂李充等權言事者皆言其屈贄固畏懼至爲賓客拒門不納交親士友春旱德宗數獵苑中延齡疏言贄等失權怨望言於衆曰天下旱百姓且流亡度支愛惜不肯給諸軍軍中人無所食其事奈何以搖動羣心其意非止欲中傷臣而已後數日又獵苑中會神策軍人跪馬前云度支不給馬草德宗意延齡前言卽迴馬而歸由是貶贄爲忠州別駕滂充皆斥逐德宗怒未解贄不可測賴陽城等

救乃止贄之為相常以少年入翰林得幸於天子長養成就之不敢自愛事之不可者皆爭之德宗在位久益自攬持機柄親治細事失君人大體宰相益不得行其事職而議者乃云由贄而然贄居忠州十餘年常閉門不出入人無識面者避謗不著書習醫方集古今名方為陸氏集驗方五十卷卒於忠州年五十二上初即位與鄭餘慶陽城同徵詔始下而城贄皆卒

唐書傳贊

贊曰德宗之不亡顧不幸哉在危難時聽贄謀及已平

追仇盡言佛然以讒倖逐猶棄梗至延齡輩則寵任磐桓不移如山昏佞之相濟也世言贄白罷翰林以為與吳通元兄弟爭寵竇參之死贄漏其言非也夫君子小人不兩進邪諂得君則正士危何可訾耶觀贄論諫數十百篇譏陳時病皆本仁義可為後世法炳炳如丹帝所用纔十一唐胙不競惜哉

宋朝名臣進奏議劄子

元祐八年五月七日蘇軾同呂希哲吳安詩豐稷趙彥若范祖禹顧臨劄子奏臣等猥以空疎備員講讀恭惟

聖明天縱學問日新_臣等才有限而道無窮心欲言而口不逮以此自愧莫知所爲竊謂人臣之納忠譬如醫者之用藥藥雖進於醫手方多傳於古人若已經效於世閒不必皆從於已出伏見唐宰相陸贄才本王佐學爲帝師論深切於事情言不離於道德智如子房而文則過辯於賈誼而術不踈上以格君心之非下以通天_下之志但其不幸仕不遇時德宗以苛刻爲能而贄諫之以忠厚德宗以猜疑爲術而贄勸之以推誠德宗好用兵而贄以消兵爲先德宗好聚財而贄以散財爲急

至於用人聽言之法治邊馭將之方罪已以收人心改過以應天道去小人以除民患惜名器以待有功如此之流未易悉數可謂進苦口之藥石鍼害身之膏肓使德宗盡用其言則貞觀可得而復_臣等每退自西閣卽私相告言以

陛下聖明必喜贄議論但使聖賢之相契卽如臣主之同時昔馮唐論頗牧之賢則漢文爲之太息魏相條晁董之對則孝宣以致中興若

陛下能自得師莫若近取諸贄夫六經三史諸子百家

非無可觀皆足為治但聖言幽遠末學支離譬如山海之崇深難以一二而推擇如贄之論開卷了然聚古今之精英實治亂之龜鑑臣等欲取其奏議稍加校正繕寫進呈願

陛下置之坐隅如見贄面反覆熟讀如聽贄言必能發聖性之高明成治功於歲月臣等不勝區區之意取進止

淳熙講筵劄子

勅送到太中大夫試刑部尚書兼侍讀兼吏部尚書蕭

燧中奉大夫權兵部尚書兼侍讀宇文价通議大夫給事中兼侍讀兼太子詹事葛邲朝議大夫試右諫議大夫兼侍講蔣繼周通奉大夫充敷文閣待制提舉佑神觀兼侍講同脩國史洪邁朝散大夫起居郎兼國史院編脩官兼權直學士院李燾朝散郎守起居舍人吳燠劄子奏臣等恭覩淳熙八年夏四月甲戌經筵進讀真宗皇帝陛下正說終篇六月壬申有

旨宣諭陸贄奏議可與不可進讀侍讀臣希呂等言贄論諫數十百篇皆本仁義元祐中蘇軾等乞繕寫進呈

置之座右將來開講如今進讀實有補於治道七月丙子

制曰可且今日講五版九年四月辛亥

詔講讀官同班奏事

聖語云朕每見贄論德宗事未嘗不寒心正恐未免有德宗之失卿等可各條具闕失來上侍讀臣煇奏言

陛下推誠待下可謂曲盡其至侍講臣洽言德宗猜忌

刻薄唐書一贊盡之矣

聖語云德宗強明不肯推誠待下雖更奉天離亂終不

悔悟當彼艱難之時所宜與贄朝夕論議猶恐不濟而每事但遣左右宣旨罕嘗面諭豈能深究利害此所以知德宗之不振也侍講臣敦詩言德宗於軍旅閒亦多是中人傳旨實情安得上達

聖語云德宗欲以此濟其猜忌刻薄煇又奏

聖言及此社稷之福於是合辭奏言臣等敢不仰遵

聖訓願竭愚衷十三年三月癸卯開講時奏議猶有三帙凡二萬五千餘字有

旨諭講讀官令自後每讀以半帙爲率四月庚戌臣燧

等讀贄論度支令折稅市草事狀臣燧等言自古聚歛之臣務為欺誕以銜已能未有不先紛更制度者

聖語云天下本無事庸人擾之耳庚申臣燧讀贄所論

裴延齡書

聖語云陸贄論延齡姦惡反覆曲折如此延齡可謂至

小人臣燧言延齡之姦最甚世所罕有又有

旨特以十八日二十二日

御講筵臣燧又讀贄所論裴延齡書讀畢臣燧言君子

未嘗不欲去小人然為小人所勝如蕭望之為恭顯所

勝張九齡為李林甫所勝裴度為皇甫鎛所勝

聖語云皇甫鎛亦延齡之徒也惟臣等以庸瑣之才幸

得備員華光日侍左右仰惟

陛下天縱典學緝熙光明一話一言皆足以貽諸萬世

堯舜之聖不過如此豈唐德宗所當同日而語然

宸心惕惕每慮或蹈其失以為寒心夫德宗親聞贄言

而棄之如土梗

陛下追誦贄語而寶之如元龜至以退朝之後傾聽數

千言而不為倦厭又特於雙日

躬御邇英蓋故事所未有

聖愚相去何止高天之與下地臣等不勝大願乞

宣付史館以彰著

陛下不矜不伐執古御今之意無任昧死俟

命之至取

進止五月一日三省樞密院同奉

聖旨依奏

進唐陸宣公奏議表

迪功郎紹興府嵊縣主簿

臣

陸言臣

所註唐陸宣公贊

奏議十五卷繕寫成帙謹詣登聞檢院投進者不負所

學期納忠於一時據直而言果為法於後世可謂皆本

仁義非徒曲盡事情雖殫見聞奚探涯涘臣誠惶誠懼

頓首頓首竊以言有逆順道存是非大臣知憂國而愛

君有懷必吐小人喜乘時而射利流弊無窮顧忠邪之

蹟易明豈聽納之際難辨倘人主用心或好順而惡逆

則羣下進說必以是而為非此忠言多致於不行而吾

道每憂其難合惟陸贄蘊經濟之畧值德宗當艱難之

初勢雖危疑動必剴切無片言不合於理靡一事或失

於機策之熟見之明若燭然而數計言之重辭之複冀
陽長而陰消惜乎柄鑿不侔冰炭難入方其多難姑屈
意以聽從逮至小康遽追仇而擯棄主眷則異臣心益
堅第知卹天下之安危豈復計吾身之利害論諫數百
雖晦蝕於建中正元之間勸講再三迺發揮於元祐淳
熙之盛幸聖賢之默契宐今古之同符恭惟
至尊壽皇聖帝性本誠明學全終始旣多識於前言往
行道積厥躬猶不遺於片善寸長近取諸贄折衷一語
鼓動四方斯蓋恭遇

皇帝陛下法乾行健繼離嚮明治已至不忘於兢業德
雖盛猶樂於討論粵自潛藩屢披奏牘惟精惟一固得
於問安視膳之餘嘉謀嘉猷復取於攷古驗今之次臣
自慙魯鈍有愧師承妄加採摭之工僭釋精英之論庶
期觀覽易究端倪畫蛇寧免於支離坐井曷窺於小大
徒傾口耳何補涓埃伏望

皇帝陛下置坐之隅以古爲鑑廓日月之明斷制庶政
恢江海之量容納衆言鑒瓜果而賞不妄加念兵食而
將不輕用斯皆治道之急務固亦聖主所優爲使毫釐

有濟於斯民則竹帛愈光於前哲其奏議并目錄共十一册謹隨表上進以

聞臣冒犯天威下情無任激切屏營之至臣誠惶誠懼頓首頓首謹言

紹熙二年八月初七日進呈

文獻通考論文集三條

晁氏曰唐陸贄敬輿也嘉興人大歷八年進士中博學宏詞書判拔萃科德宗初為翰林學士從奉天還為中書舍人平章事贄在奉天日下詔書數百初如不經思

逮成皆周盡人情常為帝言今盜徧天下宜痛自悔以感人心誠不吝改過以言謝天下使臣持筆無所忌庶叛者革心上從之故下制書雖武夫悍卒無不感動流涕議者謂與元戡難功雖爪牙宣力蓋腹心有功焉舊翰苑集外有膀子集五卷議論集三卷元祐中蘇子瞻乞校正進呈改從今名疑是時袁諸集以成云

陳氏曰權德輿為之序稱制誥集十三卷奏草七卷中書奏議七卷今所存者翰苑集十卷膀子集十二卷序又稱別集文賦表狀十五卷今不傳

朱子語錄曰陸宣公奏議極好看這人極奏議論事理委曲說盡更無參漏雖至小底事被它處置得亦無不盡如後面所說二稅之弊極佳人言陸宣公口說不出只是寫得出今觀奏議中多云今日早面奉聖旨云云臣退而思之云云疑或然也

唐陸宣公翰苑集目錄

卷第一

制誥

奉天改元大赦制

平朱泚後車駕還京大赦制

卷第二

制誥

貞元改元大赦制

冬至大禮大赦制

卷第三

制誥

貞元九年冬至大禮大赦制

蝗蟲避正殿降免囚徒德音

誅李懷光後原宥河中將吏并招諭淮西詔

誅李希烈後原淮西將士并授陳仙奇節度詔

重原宥淮西將士詔

卷第四

制誥

賑恤諸道將吏百姓等詔

優恤畿內百姓並除十縣令詔

重優復興元府及洋鳳州百姓等詔

議減鹽價詔

賜京畿及同華等州百姓種子賑給貧人詔

賜將士名奉天定難功臣詔

改梁州為興元府升洋州為望州詔

卷第五

制誥

奉天遣使宣慰諸道詔

收復京師遣使宣慰將吏百姓詔

平淮西後宴賞諸軍將士放歸本道詔

加王武俊李抱真官封并招諭朱滔詔

招諭淮西將吏詔

招諭河中詔

安撫淮西歸順將士百姓勅

甄獎陷賊守節官詔

令百寮議大禮期日詔

不許諸軍侵擾勅
放淮生口歸本貫勅
令諸道募靈武鎮守人詔

卷第六

制誥

册淑妃王氏爲皇后文

册嘉誠公主文

册蜀王妃文

册杞王妃文

告謝昊天上帝冊文

告謝元宗廟文

告謝肅宗廟文

告謝代宗廟文

祭大禹廟文

策問賢良方正能直言極諫科

策問博通墳典達於教化科

策問識洞韜畧堪任將帥科

答宰臣請停大禮表

卷第七

答百寮請停大禮表

答第二表

答第三表

答百寮賀利州連理木表

答宰臣請復御膳表

答百寮請復御膳表

制誥

李晟司徒兼中書令制

蕭復劉從一姜公輔平章事制

張延賞中書侍郎平章事制

渾瑊侍中制

盧翰劉從一門下中書侍郎平章事制

劉滋崔造齊映平章事制

李納檢校右僕射平章事制

韓滉檢校左僕射平章事制

李勉太子太師制

姜公輔左庶子制

盧翰太子賓客制

崔造右庶子制

卷第八

制誥

賈耽東都留守制

崔縱東都留守制

普王荆襄江西道兵馬都元帥制

馬燧渾瑊副元帥招討河中制

李晟鳳翔隴西節度兼涇原副元帥制

劉洽檢校司空充諸道兵馬都統制

卷第九

制誥

渾城京畿金商節度使制

杜亞淮南節度使制

虔王申光隨蔡等州節度使制

唐朝臣振武節度論惟明鄜坊觀察使制

韓滉加檢校右僕射制

嘉王橫海軍節度使制

馬燧李臯實封制

韓滉度支鹽鐵轉運使制

李叔明右僕射制

李澄贈司空制

除鄧州歸順官制

李納檢校司空制

卷第十

制誥

賜李納王武俊等鐵券文

賜安西管內黃姓燾官鐵券文

慰問四鎮北庭將吏勅書

與回紇可汗書

賜吐蕃將書

賜吐蕃宰相尚結贊書三

卷第十一

奏草

論關中事宜狀

論兩河及淮西利害狀

卷第十二

奏草

論敘遷幸之由狀

奉天論奏當今所切務狀

奉天論前所答奏未施行狀

卷第十三

奏草

奉天論尊號加字狀

重論尊號狀

奉天論赦書事條狀

奉天論擬與翰林學士改轉狀

奉天請數對羣臣兼許令論事狀

卷第十四

奏草

奉天請罷瓊林大盈二庫狀

奉天論解蕭復狀

奉天薦袁高等狀

奉天論李晟所管兵馬狀

奉天奏李建徽楊惠元兩節度兵馬狀

駕幸梁州論進獻瓜果人擬官狀

又論進瓜果人擬官狀

卷第十五

奏草

興元論解姜公輔狀

又答論姜公輔狀

興元論請優獎曲環所領將士狀

興元論解蕭復狀

又答論蕭復狀

興元論續從賊中赴行在官等狀

卷第十六

奏草

興元請撫循李楚琳狀

興元論中官及朝官賜名定難功臣狀

興元賀吐蕃尚結贊抽軍迴歸狀

興元奏請許渾瑊李晟等諸軍兵馬自取機便

狀

興元論賜渾瑊詔書爲取散失內人等議狀

卷第十七

奏草

鑾輿將還宮闕論發日狀

請釋趙貴先罪狀

論替換李楚琳狀

收河中後請罷兵狀

卷第十八

奏議

請許臺省長官舉薦屬吏狀

請遣使臣宣撫諸道遭水州縣狀

論淮西管內水損處請同諸道遣宣慰使狀

論嶺南請於安南置市舶中使狀

論宣令除裴延齡度支使狀

論齊暎齊抗官狀

卷第十九

奏議

論減京東水運收腳價於緣邊州鎮儲蓄軍糧

事宜狀

商量處置寶叅事體狀

奏議寶叅等官狀

請不簿錄寶叅莊宅狀

請還田緒所寄換碑文馬絹狀

卷第二十

奏議

謝密旨因論所宜事狀

議汴州逐劉士寧事狀

請不與李萬榮汴州節度使狀

論依京兆所請折納事狀

論度支令京兆府折稅市草事狀

卷第二十一

奏議

請邊城貯備米粟等狀

論緣邊守備事宜狀

卷第二十二

奏議

論左降官准赦合量移事狀三首

論朝官闕員及刺史等改轉倫序狀

卷第二十三

奏議

均節賦稅恤百姓六條

其一論兩稅之弊須有釐革

其二請兩稅以布帛爲額不計錢數

其三論長吏以增戶加稅闢田爲課績

其四論稅期限迫促

其五請以稅茶錢置義倉以備水旱
其六論兼并之家私歛重於公稅

卷第二十四

奏議

論裴延齡姦蠹書一首

唐陸宣公翰苑集卷第一



山右張佩芳菘圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

奉天改元大赦制

通鑑興元元年春正月癸酉朔
赦天下改元唐書百官志凡王

言之制有七二曰制書大賞
罰赦宥慮囚大除授則用之

門下唐書百官志分注龍朔二年改門下省曰東臺武后垂拱元年改門下省曰鸞臺開元元年曰黃門

省通典門下省後漢謂之侍中寺晉志曰給事黃門侍郎與侍中俱管門下眾事或謂之門下省楊慎丹鉛錄

晉詔首稱綱紀唐詔首稱門下致理與化必在推誠忘己濟人不吝改

過朕嗣守丕構通鑑本註丕大也構立屋也書大誥曰若考作室既底法厥子乃弗肯堂矧肯

構丕構之君臨萬方失守宗祧通鑑本註宗者百世語本諸此

在草莽不念率德誠莫追於既往未言思咎期有復於

將來明徵厥初以示天下明徵厥初通鑑作明徵其義本註徵證也明徵其義言無

所掩惟我烈祖詩術我烈祖傳湯有邁德庇人書臯陶

致俗化於和平拯生靈於塗炭書民墜重熙積慶兩都賦至

於未平之際重熙而累洽陳太廟凱容舞辭道遙積慶垂二百年伊爾卿尹庶官

洎億兆之衆代受亭育老子亭之毒之注亭謂品其形毒謂成其質毒今作育以

迄於今功存于人澤垂於後肆予小子獲纘鴻業懼德

不嗣通鑑本註懼己德弗能嗣承先業罔敢怠荒然以長于深宮之中

知稼穡之艱難通鑑本註書無逸周公告成王之語不察征戍之勞苦澤

靡下究前漢鼂錯傳盛德不及情不上通事既壅隔人

懷疑阻潘岳文腹心庭猶昧省己遂用興戎徵師四方

通鑑時內自關中西暨蜀漢南盡江准閩越北至太原所在出兵轉餉千里賦車籍馬

通鑑時內自關中西暨蜀漢南盡江准閩越北至太原所在出兵轉餉千里賦車籍馬

遠近騷然行齋居送

史記平準書行者齋居者送中外騷擾而相奉

衆庶勞止

或一日屢交鋒及或連年不解甲冑祀奠之主室家靡

依生死流離怨氣凝結力役不息田萊多荒

詩楚茨序田萊多荒

傳田萊多荒棘茨不除也通鑑注誤以毛爲鄭又引陸氏釋文田廢生草曰萊按周禮大司徒都鄙制不易之地家百晦一易之地家三百晦鄭

司農注不易之地歲種之地美故家百晦一易之地休一歲乃復種地薄故二百晦再易之地夫一廛田百晦萊五十

故三百晦又遂人頌田里上地夫一廛田百晦萊五十

晦中地夫一廛田百晦萊百晦下地夫一廛田百晦萊

二百晦康成注萊謂休不耕者六遂之民雖上地猶有

萊皆所以饒遠也是遂人之所謂萊即大司徒所謂一

易再易之地矣楚茨序之田萊義正同彼其田廢生草

曰萊乃所謂田卒汚萊者也陸氏以之暴命峻於誅求

釋楚茨序多荒二字不爲贅乎亦誤也

釋楚茨序多荒二字不爲贅乎亦誤也

疲眊空於杼軸

通鑑本注詩小東大東杼軸其空杼轉持緯器布帛已織成者以機軸卷之

死溝壑離去鄉閭邑里邱墟人煙斷絕

綱目集覽邱墟空城也曹植詩

中原何蕭條

天譴於上而朕不悟

唐書天文志建中元年十一月月食歲星

在秦分占曰其國亡是月歲星食天尸天尸與鬼中星占曰有妖言小人在位君王失樞死者太半建中二年

六月熒惑太白鬪于東井四年六月熒惑太白復鬪于東井京師分也金火罰星鬪者戰象也

衆怨於

下而朕不知馴致亂階變興都邑

通鑑本注馴從也言從此而致亂也賊

臣乘釁肆逆滔天

通鑑上發涇原諸道兵救襄城冬十月丙午涇原節度使姚令言將兵五

千至京師軍士冒雨寒甚多携子弟而來與得厚賜遺其家既至一無所賜丁未發至澆水詔京兆尹王翊犒

師惟糲食菜餼衆怒蹴覆之因揚言曰吾輩將死于敵而食且不飽安能以微命拒白及邪聞瓊林大盈二庫

金帛盈溢不如相與取之乃擐甲張旗鼓還趣京城
 令言入辭尚在禁中聞之馳至長樂阪遇之軍士射令
 言令言抱馬鬣突入亂兵呼曰諸君失計東征立功何
 患不富貴乃為族滅之計乎軍士不聽以兵擁令言而
 西上遽命賜帛人二匹眾益怒射中使又命出金帛二十
 賊已至通化門外中使出門賊殺之又命出金帛二十
 車賜之賊已入城喧聲浩浩不復可遏上召禁兵以禦
 賊竟無一人至者賊已斬關而入上乃與王貴妃韋淑
 妃太子諸王唐安公主自苑北門出後宮諸王公主不
 及從者什七八姚令言與亂兵謀曰今眾無主不能持
 久朱太尉閑居私第請相與奉之眾許諾乃遣數百騎
 迎泚于晉昌里第夜半泚按轡列炬傳呼入宮居舍元
 殿設警嚴自稱權知六軍戊申旦泚徙居白華殿百官
 出見泚或勸迎乘輿泚不悅壬子朱泚自白華殿入宣
 政殿自稱大秦皇帝改元應天會莫愧畏敢行凌逼
 皇帝改元應天會莫愧畏敢行凌逼唐書朱泚傳泚自
 為上將光晟副之忠臣畱守于是城率韓游瓌禦泚泚
 大敗死者萬計退三里而舍修攻具毀廬室為樓車面

尺下規城中會杜希全以兵敗漠谷賊益張又劉德信
 高秉哲自汝州取沙苑馬五百壁昭應戰思子陵西三
 敗賊次東渭橋出遊奕軍以逼都城忠臣兵數屻請救
 泚乃急攻城驅民填塹造雲梁令壯士居上將傅堞守
 者震駭渾瑊乃使侯仲莊韓澄穴地道梁陷縱火焚之
 城上揮膏流數百步眾亂而囂城中兵出皇太子督戰
 賊大敗然賊負其眾遂長圍以百卷弩射城中不及幄
 坐者三步步城益急帝召羣臣曰朕負宗廟宜固守公等
 家在賊可先降以完親族眾泣下曰臣等死
 無貳帝亦太息噓欷城圍凡三旬有六日萬品失序
 九廟震驚通鑑本注歐陽修曰書云七世之廟可以觀
 法禮器大儒荀卿劉歆班固王肅之徒以為七廟者多
 蓋自漢魏以來創業之君特起其上世又微無功德以
 備祖宗故其初皆不能立七廟唐武德元年始立四廟
 高祖崩朱子奢請立七廟虛太祖之廟而七晉宋齊梁皆
 議禮曰天子三昭三穆與太祖之廟而七晉宋齊梁皆
 立親廟六此故事也于是宣簡公懿王景元二帝四廟

更耐宏農府君及高祖為六室太宗崩宏農以世遠毀而耐太宗高宗崩又遷宣簡而耐高宗皆為六室中宗神龍初以景帝為始祖而元帝不遷而耐孝敬帝由是為七室中宗崩孝敬別立廟而耐中宗遂為七室至睿宗崩中宗立別廟而耐睿宗開元十年詔宣皇帝復耐正室謚為獻祖并謚光帝為懿祖又以中宗還耐太廟于是太廟為九室寶應二年祧獻懿而耐元宗肅宗代宗崩又遷元皇帝而耐代宗自是常為九室上辱于祖宗下負于黎庶痛心覲貌通鑑本注罪實在予求言愧悼若墜深谷一本作泉谷泉谷即淵谷唐人避諱改之賴天地降祐宋禮志皇天降祐思奉揚休德神人叶謀將相竭誠爪牙宣力詩祈父爪牙屏逐大盜載張皇維宋書關我皇將宏求圖書惟懷必布新令朕晨興夕惕惟念前非乃者公卿百寮累抗

章疏猥以徽號加于朕躬固辭不獲俯遂輿議昨因內省良用矍然兩都賦西都賓矍然失容體陰陽不測之謂神與天地合德之謂聖顧惟淺昧非所宜當文者所以成化武者所以定亂今化之不被亂是用興豈可更徇羣情苟膺虛美重余不德祇益懷慙自今以後中外所上書奏不得更稱聖神文武之號唐書德宗紀建中元年正月丁卯改元羣臣上尊號曰聖神文

武皇夫人情不常繫於時化天道既隱亂獄滋豐左傳帝滋豐賄朕既不能宏德導人又不能一法齊眾苟設密網史記高祖功臣年表序罔亦以羅非辜為之父母實

帝帝夫人情不常繫於時化天道既隱亂獄滋豐左傳帝滋豐賄朕既不能宏德導人又不能一法齊眾苟設密網史記高祖功臣年表序罔亦以羅非辜為之父母實

增愧悼今上元統歷

唐書歷志治歷之本必推上元日如合璧五星如連珠夜半甲子朔旦冬至自此七曜散行不復餘分普盡總會如初又

德宗詔司天徐承嗣與夏官正楊景風等雜麟德大衍之旨治新歷上元七曜起赤道虛四度建中四年歷成名曰正元詔起五年正月行新歷會朱泚之亂改元興

元自是頒用北史袁翻獻歲發生楚辭招魂獻歲發春

言歲始來進宜革紀年之號式敷在宥之澤莊子在宥

春氣奮揚也天下不聞治天下也在之者恐天下之與人更始紀荀

淫其性也宥之者恐天下之遷其德也

悅曰漢承兵革之後比屋可封故申以答天休可大赦

天下改建中五年為興元元年自正月一日昧爽以前

書時甲子昧爽大辟罪已下罪無輕重咸赦除之唐書

傳昧爽早日

志用刑有五五曰死乃古大辟之刑也自隋以前死刑

有五曰磔絞斬梟裂而流徒之刑鞭笞兼用數皆踰百

至隋始定為笞刑五自十至於五十杖刑五自六十至

于百徒刑五自一年至于三年流刑三自一千里至于

二千里死刑二絞斬唐皆因之文獻通考唐制赦日宣

制放其赦書頒諸州用絹寫行下律曰會赦及降者盜

者准枉法猶徵正贓餘贓非見在及收贖之物限內未

送者並從赦降原諸赦前當罪不斷者若處輕為重宜

改從輕處重為李希烈田悅王武俊李納等唐書李希烈傳李希烈燕州遼西人德宗立拜節度使名其軍曰淮寧藩鎮列傳田悅承嗣從子自中軍兵馬使府左司馬擢畱後俄為節度使王武俊本出契丹怒皆部授檢校秘書監兼御史大夫恒冀觀察使李納正己子正己署為淄青二州刺史又為行軍司有以忠勞任膺將相有以勲舊馬濮徐兗沂海畱後繼守藩維朕撫馭垂方信誠靡著致令疑懼不自保安

兵興累年海內騷擾皆由上失其道下罹其災朕實不

君人則何罪通鑑本注此等言語強藩屈已宏物後漢鄭興

傳疏曰願陛下上師唐虞下予何愛焉庶懷引慝之誠

覽齊晉以成屈已從眾之德書好生之德洽于民心其李希烈田悅王

引慝書負罪以洽好生之德洽于民心武俊李納及所管將士官吏等一切並與洗滌各復爵

位待之如初仍即遣使分道宣諭通鑑考異燕南記曰

已云赦武俊等罪而實錄明年正月改元乃赦武朱滔

俊等蓋上先已諭旨赦罪及赦書出始明言之耳朱滔

雖與賊泚連坐史記商君傳鞅令民為什伍而相收司

朱滔朱泚弟刑法志反逆者祖孫與兄弟路遠未必同謀

弟緣坐皆配沒惡言犯法者兄弟配流

朕方推以至誠務欲宏貸通鑑本注如能效順亦與惟

新其河南北諸軍兵馬並宜各于本道通典貞觀初并

河形便分為十道一曰關內道二曰河南道三曰河東

道四曰河北道五曰山南道六曰隴右道七曰淮南道

八曰江西道九曰劍南道十曰嶺南道開元二十一年

分爲十五道置採訪使以檢察非法京畿治西京城內

都畿治東都關內多以京官遙嶺河南治陳畱郡河東

治河東郡河北治魏郡隴右治西平郡山南東治襄陽

-5 198 45 925" data-label="Text">

郡山南西治漢中郡劍南理蜀郡淮南理廣陵郡江南

-15 198 45 925" data-label="Text">

東理吳郡江南西治豫章郡黔中治黔中郡嶺南治南

-25 198 45 925" data-label="Text">

海自固封疆勿相侵軼古今注封疆封土為臺以表識

-35 198 45 925" data-label="Text">

也軼突朱泚大為不道棄義蔑恩反易天常通鑑本注君

-45 198 45 925" data-label="Text">

有典之常也盜竊名器暴犯陵寢綱目集覽古者宗廟前制

-55 198 45 925" data-label="Text">

廟後制寢至秦始皇始出寢起

-65 198 45 925" data-label="Text">

希音堂

於墓側故陵上稱寢殿有衣冠几杖象生之具以薦新物唐書朱泚傳帝使高重傑屯梁山禦賊賊將李日月殺之泚既勝則令都人曰奉天殘黨不終日所不忍言當平日月銳甚自謂無前乃燒陵廟鹵御物

獲罪祖宗朕不敢赦通鑑本注此等言語可與誥誓相表裏其應被朱泚

脅從將士官吏百姓及諸色人等書殲厥渠魁脅從罔治有遭其

扇誘南史王藻傳諸主聚集更相扇誘有迫以克威苟能自新理可矜

宥但官軍未到京城以前能去逆效順及散歸本道者

並從赦例原免一切不問通鑑本注所以携從逆之黨天下左降官

即與量移近處已量移者更與量移舊唐書明皇紀二

左降官量移近處綱目集覽移徙也流人配隸及藩鎮

謂得罪遠斥者遇赦則量徙近地

效一作力唐書刑法志用刑有五四曰流書云流宥五

重刑而役者寒暑不釋械繫杖古以代肉刑也或

犯非巨蠹而捶以至死其皆免以配諸軍自效并緣

罪犯與諸使驅使官兼別勅諸州縣安置及得罪人家

口未得歸者一切放還應先有痕累禁錮前漢武帝紀諸禁錮及有

過者得免減罪綱目集覽禁錮禁止錮塞其仕進之路及反逆緣坐書子則孥戮汝疏夏啟承

舜禹之後刑罰尚寬般承前恩赦所不該者通典隋初

條一曰謀反二曰謀大逆三曰謀叛四曰惡逆五曰不

道六曰大不敬七曰不孝八曰不睦九曰不義十曰內

亂十惡及故殺人獄並宜洗雪亡官失爵放歸勿齒者

量加收敘人之行業或未必兼構大厦者方集於羣材

淮南子大夏增加擬于崑崙注高誘曰大夏大屋也庚信連珠羣材既聚故能成鄧林建奇功者

不限于常檢苟在適用則無棄人況黜免之人沉鬱既

久朝過夕改仁何遠哉流移降黜亡官失爵配隸人等

有材能著聞者特加錄用勿拘常例諸軍使諸道赴奉

天及進收京城將士等或百戰摧敵或萬里勤王左傳

言于晉侯曰求諸侯莫如勤王注勤納王也扞固全城驅除大憝史記秦楚之際月表

鄉秦之禁適足以資賢者為驅除難耳書元惡大憝濟危難者其節著復社稷者

其業崇我圖爾功特加彝典北史蘇綽傳勿讐勿忘一乎三代之彝典錫名

疇賦前漢宣帝紀疇其爵邑注律非始封十減二疇者等也言不復減也求末無窮宜並

賜名奉天定難功臣通鑑本注所以作勤王之心身有過犯遞減罪

三等子孫有過犯遞減罪二等當戶應有差科使役一

切蠲免其功臣已後雖衰老疾患不任軍旅當分糧賜

並宐全給身死之後十年內仍回給家口其有食實封

者唐書百官志凡封戶三丁以上為率歲租三之一入于朝廷食實封者得真戶分食諸州子孫相

繼代代無絕其餘敘錄及功賞條件待收京日並准去

年十月十七日十一月十四日勅處分謹按去年謂諸建中四年也

道諸軍將士等久勤扞禦累著功勳方鎮克寧唐書兵志府兵

法壞而方鎮盛矣夫所謂方鎮者節度使之兵也其始起于邊將之屯防者惟爾之力其應

在行營者通鑑唐自祿山反邊兵之精並超三資與官

唐書百官志凡酬功之等見任前資常選曰上資文武

散官衛官勳官六品以下曰次資五品以上子孫上柱

資跳盪人上資加二階次資下資無資以次降仍賜

勳五轉唐書百官志司勳掌官吏勳級凡十有二轉為

十轉為上護軍視正三品九轉為護軍視從三品八轉

為上輕車都尉視正四品七轉為輕車都尉視從四品

六轉為上騎都尉視正五品五轉為騎都尉視從五品

四轉為驍騎尉視正六品三轉為飛騎尉視從六品二

轉為雲騎尉視正七品一轉為武騎尉不離鎮者依資

視從七品凡以功授者覆實然後奏擬與官賜勳三轉其累加勳爵仍許回授周親唐書百官志勳至上

柱國有餘則授周內外文武官三品以上賜爵一級唐書

以上親無者賜物

百官志凡爵九等一曰王食邑萬戶正一品二曰嗣王

郡王食邑五千戶從一品三曰國公食邑三千戶從一

品四曰開國郡公食邑二千戶正二品五曰開國縣公

食邑千五百戶從二品六曰開國縣侯食邑千戶從三

品七曰開國縣伯食邑七百戶正四品八曰開國縣

子食邑五百戶正五品九曰開國縣男食邑三百戶

從五品四品以上各加一階唐書百官志凡文散階二十

正二品曰特進從二品曰銀青光祿大夫正四品上曰

祿大夫從三品曰通議大夫從四品上曰大中大夫從四

品下曰中大夫正五品上曰朝請大夫從五品下曰朝

議大夫從五品上曰朝議郎正六品下曰承議郎從六

品上曰宣德郎從六品下曰通直郎正七品上曰朝請郎正七

九品下曰登仕郎從九品上曰文林郎從九品下曰將
仕郎武散階四十有五從一品曰驃騎大將軍正二品
曰輔國大將軍從二品曰鎮軍大將軍正三品曰懷化
將軍正三品曰歸德將軍正三品曰軍懷化將軍正三品
軍大將軍懷化將軍正三品曰壯武將軍懷化將軍正
上曰雲麾將軍歸德將軍正四品下曰壯武將軍懷化
四品上曰忠武將軍正四品下曰壯武將軍懷化將軍
將從四品上曰宣威將軍正四品下曰壯武將軍懷化
中郎將正五品上曰定遠將軍正四品下曰壯武將軍
懷化郎將從五品上曰游騎將軍正五品下曰壯武將
軍歸德郎將正五品上曰昭武校尉正六品下曰昭武
副尉懷化司階從六品上曰振威校尉正六品下曰振
威副尉歸德司階從六品上曰致果校尉正七品下曰
致果副尉懷化中候從七品上曰翊麾校尉正七品下
曰翊麾副尉歸德中候從七品上曰宣節校尉正七品
下曰宣節副尉懷化中候從七品上曰宣節校尉正七品
品下曰禦侮副尉歸德中候從七品上曰禦侮校尉正
九品下曰仁勇副尉懷化中候從七品上曰仁勇校尉
陪戎校尉從九品下曰陪戎副尉懷化中候從七品上
陪戎校尉從九品下曰陪戎副尉懷化中候從七品上

賜勳兩轉見危致命先哲攸貴掩骼埋胔禮典所先

孟春之月掩骼埋胔 注 雖效用而或殊在惻隱而何間

諸道將士有死王事者各委所在州縣給遞送歸本管
官為葬祭其有因戰陣殺戮及擒獲伏辜暴骨原野者
亦委所在逐近便收葬應緣流貶及犯罪未葬者並許
其家各據本官品以禮收葬自頃軍旅所給賦役繁興
吏因為姦人不堪命咨嗟怨苦道路無聊汔可小康

詩民

亦勞止汔與之休息其墊陌及稅間架

通鑑建中四年六月庚戌初行

稅間架除陌錢法舊制諸道軍出境皆仰給度支上優
恤士卒每出境加給酒肉本道糧仍給其家一人兼三

人之給故將士利之各出軍纜逾境而止月費錢百三十餘萬緡常賦不能供判度支趙贊乃奏行二法所謂稅間架者每屋兩架為間上屋稅錢二千中稅千下稅五百吏執筆握筭入人室廬計其數或有宅屋多而無他資者出錢動數百緡敢匿一間杖六十賞告者錢五十緡所謂除陌錢者公私給與及賣買每緡官留五十錢給他物及相貿易者約錢為率敢隱錢百杖六十罰錢二千賞告者錢十緡其賞錢皆出坐事之家于是愁怨之聲盈

竹木茶漆推鐵等
文獻通考唐德宗建中元年納戶部侍郎趙贊議稅于遠近

天下茶漆竹木十取一以為常平本錢時軍用廣常賦不足所稅亦隨盡亦莫能充本儲及出奉天乃悼悔下詔亟罷之唐書食貨志凡銀銅鐵錫之冶一百六十八陝宣潤饒衢信五州銀冶五十八銅冶九十六鐵山五錫山二鈔山四汾州礬山七麟德二年廢陝州銅冶四十八開元十五年初稅伊陽五重山銀錫德宗時戶部侍郎韓洄建議山澤之利宜歸王者自是皆隸鹽鐵使

諸色名目悉宐停罷
通鑑本注

所以順人京畿之內通鑑本注京畿西京畿也唐以雍情之欲惡同華商岐邠為京畿洛汝為都畿

屬此寇戎攻劫焚燒靡有寧室王師仰給人以重勞特

宐減放今年夏稅之半唐書食貨志自代宗時始以畝定稅而歛以夏秋至德宗相楊

炎遂作兩稅法夏輸無過六月秋朕以克醜犯闕遽用輸無過十一月置兩稅使以總之

于征爰度近郊息駕茲邑軍儲克辦師旅攸寧式當褒

旌以志吾過其奉天宐升為赤縣通典唐縣有赤畿望緊上中下六等之差

京都所治為赤縣京之旁邑為畿縣其餘則以戶口多少資地美惡為差百姓並給復五年

尙德者教化之所先求賢者邦家之大本永言茲道夢

想勞懷而澆薄之風趨競不息幽棲之士寂寞無聞蓋

誠所未孚故求之未至天下有隱居行義才德高遠晦跡邱園不求聞達者謹按唐制科名目有高蹈邱園科委所在長吏具

姓名聞奏當備禮邀致諸色人中有賢良方正能直言

極諫及博通墳典達于教化并洞識韜鈴堪任將帥者

唐書選舉志天子自詔者曰制舉四方德行才能文學之士或高蹈幽隱與其不能自達者下至軍謀將畧翹

關拔山絕藝奇技莫不兼取其為名目隨其人主臨時所欲而列為定科者如賢良方正直言極諫博通墳典

達于教化軍謀宏遠堪任將率詳委常參官通鑑音注

明政術可以理人之類其名最著常參官常參官常

朝日常赴朝參者也唐制文官五品以上及兩省供奉官監察御史員外郎太常博士日參號常參官武官三

品以上三日一朝號九參官五品以上及新行常番者五日一朝號六參官宏文崇文館國子監學生四時參

凡諸王入朝及以恩追至者日參其文武官及所在長職事九品以上及二王後則朝朔望而已

吏聞薦天下孤老鰥寡惇獨不能自活者並委州縣長

吏量事優恤其有年九十已上者刺史唐書百官志上

三品職同牧尹中州刺史一人正四品下縣令唐書百官志京

四品下州刺史一人正四品下縣令唐書百官志京

五品上畿縣令各一人正六品上上縣令一人從六品

上中縣令一人正七品上中下縣令一人從七品上下

縣令一人從七品下縣令掌導風化察冤滯聽獄就門

訟通典唐縣凡一千五百七十三縣令各一人

存問義夫節婦孝子順孫旌表門閭終身勿事前漢高

大夫以下皆復其身及戶勿事注大兵之後內外耗竭

率已師儉為天下先諸道貢獻通鑑代宗之世每元日常賦之外競為貢獻貢獻多者則悅之武將姦吏緣此侵漁下民自非供宗廟軍國之用一切並停應內外官有冗員及百司有不急之費委

中書門下通典梁陳時凡國之政事並由中書省省有中書舍人五人領主書十人書吏二百人分

掌二十一局事各當尚書諸曹並為上司總國內機要而尚書唯聽受而已隋初改為內史省唐武德三年復

中書省唐書百官志初三省長官議事于門下省之政事堂其後裴炎自侍中遷中書令乃徙政事堂于中書

省開元中張說為相又改政事堂號中書門下列五房于其後一曰吏房二曰樞機房三曰兵房四曰戶房五曰刑禮房以即商量條件停減聞奏布澤行賞仰惟舊章今以餘孽未平帑藏空竭說文帑金幣所藏也後漢鄭宏傳人食不足而帑藏

般積有垂慶賜深愧於懷赦書有所未該者委所司類例

條件聞奏敢以赦前事相言告者以其罪罪之通典諸

事相告言者以其罪罪之官司受而為理者以故入人罪論至死者各加役流若事須追究者不用此律

命山澤通典亡命山澤不從挾藏軍器通典諸私有禁

半弩一張加二等甲一領及弩三張流二千里甲三領及弩五張絞私造者各加一等造未成者減二等即私

有甲弩非全成者杖一百日不首復罪如初通典諸犯

百餘非全成者勿論通鑑赦

自首者赦書日行五百里布告遐邇使聞知通鑑赦

原其罪人心大悅

平朱泚後車駕還京大赦制唐書德宗紀興元元年六月甲辰朱泚伏

誅七月丙子次鳳翔壬午至自興元辛卯大赦

門下致理之體先德後刑禮義興行故人知恥格教令

明當則俗致和平然後姦慝不萌暴亂不作古先哲后

莫不由斯國家受命百七十載謹按文獻通考唐高祖在位九年太宗在位二十三年高宗在位三十四年中宗在位五年睿宗在位二年元宗在位四十四年肅宗在位七年代宗在位十八年內武氏二十二年自高祖武德元年至德宗興元改元凡一百六十八年八聖儲慶敷佑

下人邁種寬大之德累蠲苛酷之令蓋仁之所積者厚

故澤之所流者深茲予小子獲主重器史記伯夷傳示天下重器索隱

日天下者王者之重器莊子天下之大器是也惜于理亂之本說文惜溺于因不明也

習之安授任不明賞罰乖當立法以齊衆而犯命愈甚

興戎以除害而長亂益繁賊臣蓄姦乘釁竊發九廟乏

祀兆人靡依獬独肆其吞噬爾雅獬独類獬虎爪食人

為民害孫綽喻道論豺狼穴于宮闕歲未云半載罹播

遷唐書德宗紀建中四年十月涇原節度使姚令言反犯京師戊申如奉天興元元年二月甲子李懷光反

丁卯如 仰慚穹昊俯愧臣庶敢愛賈越苟全眇躬誠懼

益縱寇讐重辱宗社忍恥誓志庶補前羞賴億兆宅心

不忘先德諸帥戮力恭行天罰俾余寡昧再膺多祐總

乾綱于既紊范甯春秋穀梁傳序昔復天柱于將傾水經

周道衰陵乾綱絕紐

希音堂

卷之一十五

希音堂

希音堂

注張華敘東方朔神異經曰崑崙有銅柱焉其高入天謂之天柱也言旋鎬京鎬京地名說文武王

所都在長安西上林苑中通典周自武王克殷都于鄆鎬豐邑在豐水鎬京在豐水之東並在今長安縣界

不改舊物左傳祀夏配天不失舊物宗祧有序朝享有期責重慶多

深增感惕嗚呼君者所以撫人也君苟失位人將安仰

朕既不德致寇與禍使生靈無告受制兇威苟全性命

急何能擇或虧廢名節或貪冒貨利陷于法網事匪一

端究其所由自我而致不能撫人以道乃欲繩之以刑

豈所謂恤人罪己之誠含垢布和之義易林宣時布和無所不通顏延

之曲水詩序皇祇發生滌清汚俗咸與更新可大赦天

之始后王布和之辰

下自興元元年七月二十三日昧爽已前大辟罪已下

已發覺未發覺已結正未結正見繫囚徒通鑑音注繫

者徒坐徒常赦所不原者咸赦除之文獻通考常赦所不免謂雖會大赦

猶處死今年五月二十八日已前謹按德宗以七月壬

云七月二十三日昧爽已前以放赦書之日為言也此

云五月二十八日已前當指復京師之日唐書德宗紀

興元元年五月壬辰尚可孤及朱泚戰于藍田之西敗

之乙未李晟又敗之于苑北戊戌又敗之于白華復京

師是五月已復京師而左降官即與量移未復資者更

與移近處流人及犯配隸藩鎮效力綱目集覽唐自安

肅宗幸長安分河北地付授叛將後遂效並即放還亡

戰國肱髀相依以土地傳子孫謂之藩鎮

官失爵放歸不齒者量加收敘未復資者更與進改其黜免人等有素著行能傍連譴累特加錄用勿以為負

不有忠者誰復社稷不有勞者誰從巡狩連帥之重所

以殿邦禦侮也禮記千里之外設方伯五國以為屬屬有長十國以為連連有帥注屬連猶聚

也伯帥亦長也詩殿天子之邦毛傳殿鎮也詩予曰有禦侮毛傳武臣折衝曰禦侮二千石之任

所以分憂其理也前漢百官公卿表郡守秦官掌治其郡秩二千石景帝中二年更名太守

師古注二千石者月百二十斛循吏傳宣帝常稱曰庶民所以安其田里而亡太息愁恨之心者政平訟理也

與我共此者其唯良二千石乎注謂郡守諸侯相謹按唐太守或稱刺史即漢郡守也故曰二千石方鎮

將校後漢順帝紀詔大將軍三公選武猛試用有效驗任為將校者各一人綱目集覽校本營壘之稱故

謂軍之一校勤奉成役中外寮吏恪居官次左傳敬共朝夕恪居官次

注次舍也國有大慶所宜同之內外文武及致仕官白虎通致仕者

致其事于君君不使自去者尊賢者也故三品以上賜

爵一級四品以上加一階仍並賜勳兩轉司徒兼中書

令晟唐書百官志太師太傅太保各一人太尉司徒司空各一人是為三公皆正一品又中書省中書令

二人正二品掌佐天子執大政而總判省事李晟傳李晟字良器洮州臨潭人初為右神策都將朱泚平拜司

徒兼中書令英特傑立光輔中興春秋序紹開中實封千戶再定

皇都一匡天下唐書李晟傳帝進狩梁州遣晟將張少宏口詔進晟尚書左僕射同中書門下

平章事晟受命拜且泣曰京師天下本若皆執羈勒誰將復之乃繕甲兵治陣墮以圖收復于是駱元光以華

州之衆守潼關尚可孤以神策兵保七盤皆受晟節度
戴休顏舉奉天韓游瓌悉邠寧軍從晟乃引兵叩都門
賊不敢出振旅而還明日會諸將圖所向衆對先拔外
賊然後清宮晟曰外城有里開之隘若設伏格戰居人
置潰非計也賊重兵精甲聚苑中今直擊之是披其心
腹計圖走不暇諸將曰善乃自東渭橋移壁光泰門以
薄却城連溝柵而賊將張庭芝李希倩求戰晟顧曰賊
不出是吾憂也今乃冒死來天誘之矣縱兵擊賊攻
華師急晟以精騎馳救中軍譟而從大破之乘勝入光
泰門再戰賊卻僵尸相藉餘衆走白華賊大哭終夜不
息翌日將復戰或請待西師晟曰賊既敗當乘機撲殄
苟俟西軍是容其為計豈吾利邪乃悉軍軍光泰門使
王佖李演將騎史萬頃將步抵苑北晟先夜噴苑垣為
道二百步比兵至賊已伐木塞以拒戰晟叱諸將曰安
得縱賊今先斬公矣萬頃懼先登拔柵以入佖督騎繼
之賊崩潰執其將段誠諫大兵分道進雷謨震地令言
庭芝希倩等殊死鬪晟令唐良臣等步騎奔突賊陣成
輒北十餘遇皆不勝賊入白華賊伏千騎出官軍背晟

以麾下百騎自馳之左右呼曰相公來賊驚潰禽馘畧
盡泚率殘卒萬人西走田子奇追之餘黨悉降晟引軍
屯含元外庭舍右金吾次令軍中曰五日內不得輒通
家問違者斬遣京兆尹李齊運部長安萬年令分慰居
人秋毫無所擾明日孟涉屯白華尙可孤屯望仙門駱
元光屯章敬寺晟屯安國寺斬賊用事者及臣賊宦豎
于市表著節不屈者擇文武攝臺省官以俟乘輿條脅
汙于賊者請以不死露布至梁帝感泣羣臣上壽帝曰
天生晟為社稷推恩之典貽慶無窮宐與一子五品正
萬人豈獨朕哉

員京官
唐書百官志凡文官九品有正有從自正四品
以下有上下為三十等通鑑本注京官即在京

職事
唐書百官志門下省侍中二人正二品掌
出納帝命相禮儀凡國家之務與中書令

官也
參總而顓判省事通典侍中者周公戒成王立政之篇
所云常伯常任以為左右即其任也秦為侍中丞相

史也
使五人往來殿內東廂奏事故謂之侍中唐書渾
瑊傳渾瑊本鐵勒九姓之渾部也帝狩奉天瑊率家人

十八

子弟以從泚平論功以沉邃忠厚服勞王家保全危城

城兼侍中實封戶八百

剪除大憝唐書渾瑊傳朱泚兵薄城戰譙門晨至日中

解泚治攻具矢石四集如雨晝夜不息凡浹日鑿塹圍

城城中死者可藉人心危惴或夜縋出掇蔬本供御帝

與瑊相泣泚方據乾陵下瞰城翠翟紅袍左右官人趨

走宴賜拜舞又縱慢辭戲斥天子以為勝在景刻使騎

環馳責大臣不識天命造雲梁廣數十丈施大輪濡氍

及革冒之周布水囊為障指城東北構木廬蒙革周置

之運薪土其下將塞隍帝召瑊授以詔書千餘自御史

大夫實封五百戶而下募突將死士當賊賜瑊筆使量

功署詔不足則署衣以授因曰朕與諸公訣矣瑊俯伏

嗚咽帝撫而遣之瑊前與防城使侯仲莊揣雲梁所道

掘大隧積馬矢及薪然之賊乘風推梁以進載數千人

王師乘城者皆凍餒甲弊兵監瑊但以忠義感率使當

賊人憂不支羣臣號天以禱瑊中矢自握去被血而戰

愈厲雲梁及隧而陷風返悉焚賊皆死舉城歡譟是日

詔授瑊嘉乃茂績次于寵章魏志武帝紀宐與一子六

二子官

品正員京官鎮國軍唐書地理志華州有鎮潼關節度

使通典華陰太華山在南有潼關左傳所謂桃林塞也

書兵志唐初兵之戍邊者大曰軍小曰守捉曰城曰鎮

而總之者曰道道有大將一人曰大總管已而更曰大

都督至太宗時行軍征討曰大總管在其本道曰大都

督自高宗永徽以後都督帶使持節者始謂之節度使

然猶未以名官景雲二年以賀拔延嗣為涼州都督河

西節度使自此而後接乎開元朔方隴右河東河西諸

鎮皆置節度使方鎮表上元二年以華州置鎮國節度

亦曰關東節度廣德元年罷興元元年以華州置潼關

節度檢校右僕射綱目集覽唐有檢校兼守判知之類

使綱目集覽唐有檢校兼守判知之類

格同皆以待資淺之人唐書百官志尚書省左右僕射

各一人從二品掌統理六官為令之貳令闕則總省事

十九

効御史糾不當者通典僕射秦官漢因之古者重武官
 有主射以督課故曰僕射僕射者僕役于射也成帝建
 始元年初置尚書五人以一人為僕射後漢獻帝建安
 四年以榮劬為左僕射衛臻為右僕射侍者分置左右
 蓋自此始唐左右二僕射因前代本副尚書唐書
 諒傳李元諒安息人本安氏少為宦官駱奉先養息冒
 姓駱名元光德宗出奉天遷鎮國軍節度使封武康郡
 王與李晟收京師加京畿渭南商州節度使唐書
 檢校尚書左僕射京畿渭南商州節度使領金商二州未幾罷五州及金
 載置京畿節度使領京兆同岐金商五州建中四年置
 京畿渭南節度觀察使領金商二州唐書尚孤傳尚可
 州為京畿商檢校右僕射尚孤唐書尚孤傳尚可
 州節度使將遷梁州命引兵守灞上拜神策京畿渭南
 別種德宗將遷梁州命引兵守灞上拜神策京畿渭南
 商州節度使將遷梁州命引兵守灞上拜神策京畿渭南
 檢校尚書招討使進軍與李晟收長安為先鋒以功加
 右僕射尚書邠寧等州節度使唐書方鎮表乾元二年置
 邠寧節度使領州九邠寧

慶涇原鄜坊丹延大歷三年罷檢校右僕射韓遊瓌唐書
 十四年復置邠寧慶節度使亦置節度使防禦使都團練使
 韓遊瓌傳韓遊瓌靈州靈武人拜邠寧節度使李晟入
 長安遊瓌破泚兵咸陽京師平遷檢校尚書左僕射

奉天行營諸軍節度使唐書百官志分注建中後行營
 通鑑本注乾元元年鎮西北庭行營節度使始此檢校右僕射戴

休顏唐書戴休顏傳戴休顏夏州人帝進狩梁洋畱守
 奉天遷檢校工部尚書奉天行營節度使京師平

加檢校尚書咸秉大節著于艱難同勳叶忠翼我興運宐
 各與一子七品正員官諸道節度使文獻通考唐天寶
 初置十道節度使

曰安西北庭河西朔方河東范陽平盧隴右劍南嶺南
 其後有淮南河南江東成德宣武鎮海義成淮寧彰義
 義武奉義忠武武寧永安天平河陽歸及行在鄴知兵
 義戎昭義昌山南諸道俱置節度使

馬使

蔡邕獨斷天子所在曰行在所居曰禁中又天子無外以天下為家又天子自謂曰行在猶言今雖

在京師

行所至爾巡狩天下所奏事處皆為宮唐書百官志天下兵馬元帥前軍兵馬使中軍兵馬使後軍兵

馬使各

一人 興元扈從左右金吾大將軍 唐書百官志左右

正三品掌宮禁宿衛凡五府及外府皆總制焉左右金

吾衛大將軍各一人掌宮中京城巡警烽候道路水草

之宜凡翊府之翊衛及外府飲飛番上皆屬焉 通典漢

京師有南北軍掌理禁衛初有衛將軍魏末晉文王又

置中衛將軍武帝接受分中衛為左右衛將軍隋改為

左右翊衛唐復為左右衛金吾秦有中尉掌微循京師

漢更名執金吾掌京師盜賊考按疑事隋改為左右武

候衛唐龍朔二年改為左右金吾衛 又唐定制凡十六

衛大將軍各一人左右衛及左右金吾六軍大將軍

吾衛總謂之四衛其餘謂之雜衛 金吾六軍大將軍

唐書百官志左右龍武左右神武左右神策大將軍各

一人正二品號六軍 通典左右神武左右神策大將軍各

武六軍大將軍各一人 通鑑本注北軍十軍左右羽林

龍武神武神威神策也神策尤盛建中之前未分左右

軍謂之神策六軍者指言神策軍與左右羽林龍武神

武六軍也 又會要乾元四年十月四日勅左右羽林左

右龍武左右神武軍文等各與一子八品正員官諸道

武官並昇同金吾四衛 文獻通考肅宗乾元初置團練使

團練觀察處置等使 守捉使大領十州小者三五州代

宗時元載當國令刺史悉帶團練大率團練皆隸所治

州歲以八月考其治否以安民為上考懲姦為中考得

情為下

又唐正觀初遣大使十三人巡省天下諸州

水旱則遣使有巡察安撫之名神龍二年以五品以上

二十人為十道巡察使各道一人開元二年曰十道按察採訪

置十道按察使各道一人開元二年曰十道按察採訪

處置使二十年曰採訪處置使分十五道乾元元年改

曰觀察處置使掌察所部善惡舉大綱凡奏請皆屬于

州歲以八月考其治以豐稔為各與一子九品正員官

上考省刑為中考辦稅為下考 各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

各與一子九品正員官

應諸軍赴上都收復將士等

唐書地理志上都初曰京城天寶元年曰西京至德

三載曰中京肅宗元年曰上都

俱以純誠奮其勇節連年帶甲百戰摧

鋒

吳越春秋人民殷富皆有帶甲之勇左思賦摧鋒積紀芒氣彌銳

有忘身以效命有

滅親以狗義誓平國難如復私讐競揚貔虎之雄克清

梟獍之孽

書如虎如貔傳貔執夷虎屬也詩疏陸璣云自關而西謂梟為流離其子適長大還食其

母故張魚云鵠鵠食母漢書郊祀志注孟康曰梟鳥名食母破鏡獸名食父破鏡如貓而虎眼鏡鏡通策

勳行賞傳嗣榮親播乃功名與國終始自去年冬已來

謹按去年謂建中四年也

未經甄敘者即與超八資改轉已經甄敘

者更與超三資進改三品已上祖父母在先無官封者

量與致仕官及邑號亡者並與追贈四品已下父母在

先無官封者亦授致仕官及邑號亡者與追贈其賞錢

委所司即依元勅支給應扈從將士三品已上賜爵兩

級四品已下各加兩階仍並賜勳其祖父母官封追贈

並准收京城將士例處分應扈從官普恩之外三品已

上賜爵兩級四品已下各加兩階仍並賜勳三轉其祖

父母父母封贈並准收京城例處分應扈從官普恩之

外三品已上更加爵一級四品已下更加一階若常叅

官祖父母父母在先無官封者量授致仕官及邑號亡

者與追贈諸州刺史普恩外賜爵一級諸道進奏陪位

通鑑音注唐諸鎮皆置進奏院在長安以進奏官主

者之宋白曰大歷十二年正月勅諸道先置上都雷後

便宜並改充諸道都知進奏官爾雅釋言陪朝也注陪

位為朝疏臣見君曰朝朝之列位必陪重是陪位為朝

也更加一階其奉天定難及元從功臣唐書兵志德宗

幸梁還以神策兵有勞皆號興元元從唐書兵志唐初兵之成

奉天定難功臣恕死罪宜令本軍本使即定名聞奏所

司各准元勅優賞其諸道軍鎮唐書兵志唐初兵之成

曰城曰鎮唐書百官志上鎮將一人正六品下鎮副二

人正七品下中鎮將一人正七品上鎮副一人從七品

上下鎮將一人正七品下鎮副一人從七品下每鎮又

有使一人副使一人凡軍鎮二萬人以上置司馬一人

正六品上不及二萬人者司馬從六品上鎮將鎮副掌

捍防守禦凡上鎮二十中鎮九十下鎮一百三十五

及行營將士三品已上賜爵一級四品已上加一階仍

准今年正月一日制速與甄敘成德淄青魏博等節度

唐書方鎮表寶應元年置成德軍節度使領恒定易趙

深五州治恒州建中三年罷興元元年復置成德軍節

度使領恒冀趙深四州至德元載置青密節度使領北

海高密東牟東萊四郡治北海郡上元二年置淄沂節

度使領淄沂滄德棣五州治沂州平盧軍節度使侯希

逸引兵保青州授青密節度使遂廢淄沂節度并所管

五州號淄青平盧節度廣德元年置魏博等州防禦使

德謂主武俊淄青謂并諸軍應歸順將士等各蘊誠義

積著功勞由朕失于撫綏頃歲暫懷疑阻尋能厲節不

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

替舊勳通鑑上在奉天使人說田悅王武俊李納赦其

罪厚賂以官爵悅等皆密歸欵而猶未敢絕朱

沿各稱王如故興元元年春正月赦下皆去王號上表謝罪是資宴犒俾洽王澤宥

委所司即約額支計各賜錢物賞設仍委本節度准前

後勅速條疏甄敘其朔方并諸軍應在河中管內及同

州將士等唐書方鎮表開元九年置朔方軍節度使領單于大都護府夏鹽綏銀豐勝六州定遠豐

安二軍東中西三受降城唐書李懷光傳懷光奪李建徽楊惠元等軍屯好時其下稍攜貳乃引兵掠涇陽三

原富平遂如河中又懷光至河中取同絳二州謹按朔方諸軍指朔方軍及李建徽等軍也其云在河中管內

及同州將士乃懷光背畔東走自遠赴難解其重圍

所引將士在河中及同州者也魏縣行營李懷光帥眾赴長

上至奉天遣中使告難于魏縣行營李懷光帥眾赴長安建中四年十一月李懷光自蒲城引兵趣涇陽並北

山而西先遣兵馬使張韶微服間行詣行在藏表于臘九韶至奉天值賊方攻城見韶以為賤人驅之使與民

俱填塹韶得間踰塹抵城下呼曰我朔方軍使者也城上人下繩引之比登身中數十矢得表于衣中而進之

上大喜昇韶以徇城四隅歡聲如雷癸巳懷光敗泚兵于灑泉泚聞之懼引兵遁歸長安眾以為懷光復三日

不至則城不守矣謹按魏縣屬魏州念茲功勞並未酬其地在河山之東故曰自遠赴難也

報雖遭脅制情有可矜應到行營未經甄敘者並准元

勅超五資改轉其賞錢比收京城將士例各給一半委

本軍兵馬使條錄名銜聞奏語林近代選曹補授先具舊官于前次書擬官于後

新舊相銜也所司支計給付其食實封者亦便配額令其請

受應天下諸道軍將士等如有年老及疾患尪弱

禮記吾欲暴尪而奚若注不任軍旅願歸鄉里者並給終身優復

尪者面鄉天

尪者面鄉天

尪者面鄉天

州縣切加安存勿令侵優如無家可歸者給田宅使得存濟見危致命先典所尚況忠衛社稷殺身成功朕于

斯人義有加等贈太尉秀實通典太尉秦官漢因之金印紫綬掌武事其尊與丞相

相等歷代唯後周無其餘皆有悉為三公前漢百官公卿表注應邵曰自上安下曰尉唐書段秀實傳段秀實

字成公本姑臧人天授貞烈沮茲姦邪蒼黃之中獨蘊

興元元年贈太尉雄斷將紓國難詭收寇兵兇謀既虧吾事果濟忠誠奮

發手擊渠魁通鑑朱泚以司農卿段秀實久失兵柄意其必怏怏遣數十騎召之秀實閉門拒之

騎士踰垣入劫之以兵秀實自度不免乃謂子弟曰國

家有患吾于何避之當以死徇社稷汝曹宜人自求生

乃往見泚泚喜曰段公來吾事濟矣延坐問計秀實說

之曰公本以忠義著聞天下今涇軍以犒賜不豐遽有

披猖使乘輿播越夫犒賜不豐有司之過也天子安得

知之公宜以此開諭將士示以禍福奉迎乘輿復歸宮

闕此莫大之功也泚默然不悅然以秀實與已皆為朝

廷所廢遂推心委之左驍衛將軍劉海賓涇原都虞候

何明禮孔目官岐靈岳皆秀實素所厚也秀實密與之

謀誅泚泚迎乘輿與泚遣涇原兵馬使韓旻將銳兵三千聲

言迎大駕實襲奉天時奉天守備單弱段秀實謂岐靈

岳曰事急矣使靈岳詐為姚令言符令旻且還當與大

軍俱發竊令言印未至秀實倒用司農印印符募善走

者追之旻至駱驛得符而還秀實謂同謀曰旻來吾屬

我不同汝反何不殺我衆爭前殺之英風凜然振邁千

上聞秀實死恨委用不至涕泗久之古宐卽差官致祭并進表門閭府縣護其喪事緣葬所

要一切官供唐書百官志鴻臚寺司儀署令一人正八

品下丞一人正九品下掌凶禮喪葬之具

京官職事三品以上散官二品以上祖父母父母喪職

事散官五品以上都督刺史卒于京師及五品死王事

者將葬祭以少牢率齋郎執俎豆以往三品以上贈以

束帛黑一纁二一品加乘馬既引遣使贈于郭門之外

皆有束帛一品加璧五仍于墓所官爲立碑以揚徽烈

品以上葬給營墓夫其所賜實封五百戶嫡子正員三品官諸子授正員五

品官委中書門下卽准元勅處分唐書段秀實傳興元

忠烈賜封戶五百莊第各一區長子三品諸子五品應

並正員官帝還都又詔致祭旌其門閭親銘其碑云

諸道諸軍將士有身死王事者委本道本使具名銜聞

奏卽與褒贈仍以在身官爵授其子孫內外文武官及

諸親諸色人等有橫遭逆賊殺害者各聽其家及親識

人于所司呈牒唐書百官志下之達上其制有六一曰

牒勘實奏聞亦與追贈如跡著忠烈衆所明知仍訪其

子孫量加優恤尚齒養老王風之首三代制禮未或遺

年禮記虞夏殷周天下之盛王也未朕將遵古典以興

化本人心而教孝用優秩賜式慰里閭京兆府前漢百

府京兆郡本雍者壽年八十已上並與版授刺史仍賜

紫通鑑釋文版授謂不加誥命以版策授之也唐書車

服深綠為六品之服淺綠為七品之服深青為八品之服淺青為九品之服黃為流外官及庶人之服

十已下及諸州府者壽年八十已上並與版授本縣令

仍賜緋天下侍老者壽謹按侍老有侍者之老也通鑑

七十五以上婦人七十以上宦各天寶八載制其天下百姓丈夫

給中男一人充侍仍任自簡擇亦各與版授官如年

九十已上者州縣長吏歲時躬親省問貧弱不能自存

者量賜粟帛頃屬多難人流俗弊加之以師旅因之以

饑饉賦役繁起農桑失時哀哉瘁人汔可小息然以國

計猶歎軍實靡充未盡復除良增愧悼應天下建中四

年年終已前所有諸色逋欠在百姓復內者一切放免

百司及諸軍諸使舉放利錢唐書食貨志初京司及州

費其後以用度不足諸司置公廨本錢以番官貿易取

息計員多少為月料以諸司令史主之號捉錢令史

今年六月已前百姓欠負未納者亦並停徵京兆府百

姓普恩外給復一年其供頓官吏通鑑音注車駕行幸

錄俗語飯曰一頓元微之連昌宮詞委京兆尹唐書百

都東都北都鳳翔成都河中江陵興元興德府尹各一

置左右內史武帝更名周官有內史掌治京師漢景帝二年分

王為之多以長史理元元年改雍州為京兆府改雍州長史為尹總理眾務類例具名

銜聞奏量與優獎古者計戶以署吏因時而建職既不

乏事亦無冗員今田畝汗萊版圖凋耗周禮天官小宰八成三日聽閭

里以版圖鄭司農注齊人編戶謹按齊人猶齊民也唐避太宗諱以民為人漢

書食貨志注如淳曰齊等也無有貴賤謂之齊民託庇

若今言平民矣通鑑釋文編戶者謂列次民籍也官曹貪吏猾胥誘為囊橐啟奸墮業為害尤深應在京

百司色役人及流外等綱目集覽色科名也主掌諸色雜徭役者通鑑音注雜色補官

者謂之流外官入流委御史大夫即與諸司使長官典通

內敘品謂之入流御史大夫秦官位上卿銀印青綬掌副丞相漢成帝更名大司空秩比丞相此皆為三公非今御史大夫也唐

書百官志御史臺大夫一人正三品掌以刑法糾正百

官之善惡其屬為三院一曰臺院侍御史隸焉二曰殿

院殿中侍御史隸焉三曰察院監察御史隸焉凡寃而

無告者三司詰之三司侍御史大夫中書門下也大事

奏裁小事專達凡有彈劾御史以白大夫大夫大事以方幅

小事署後而已凡三司理事與給事中中書舍人更值

朝堂若三司所按而非其長官則與刑部郎中員外郎

大理司直評事往訊開元中又置御史裏行使侍御史

裏行使殿中侍御史裏行使監察御史裏行使審詳商議據見所掌事之閒劇

定額聞奏仍校名送中書門下務從減省副朕憂人以

後應須署置並定名先奏仍求為常式今年正月一日

身林集
之亡命山澤挾藏

五百里布告遐邇咸使聞知

